

# QVÆSTIO MEDICA

## QVOD LIBETARIIS DISPVATIONIBVS MANE DISCVTIENDA

### IN SCHOLIS MEDICORVM DIE IOVIS XVI. NOVEMBRIS

#### M. FRANCISCO DE LA CHAMBRE, Doctore Medico, Præsidente.

An totus Homo ex Facie?

1057

**S**CIENTIAM appetere pulchrum ac naturale est; seipsum cognoscere vtile & necessarium: sed interiora aliorum sensa posse scrutari eximium ac propè diuinum. Is est in creatione hominis primus ac præcipuus naturæ scopus, huic collimant cætera eius machinamenta: Hinc to taffabrè elaboratæ partes, tantâ commensuratione tornata organa, miræ externorum cum internis similitudines, sympathiæ, cognationes. Huius lineamenta prima vel in ipsis brutis posuit, extremo penicillo perfecit in homine: quem ad societatem natum præcipuo eius retinendæ ac conseruandæ organo instruxit natura; vnionem, quâ stat illa societas, firmavit sermone, quem homini largita est: qui interiorum cogitationum nuncius fidelis & interpres, mirandum illud cum cæteris hominibus commercium retineret. Præter hunc, in eius fronte & oculis secretiorum sensuum signa & characteres impressit: vt, si cordis intima sermo simulatione falleret, sermonis fraudem vultus ipse detegeret: In eo abstrusiora intellectus munia, stupore quodam sensuum omnium, manifestantur: in eo reconditiores animi motus vix nati, tempestates excitant, quas iurè diceret in littore, quam in alto mari vehementiores. Nec mirum: Animæ sequuntur corpora, signum Ebrietatis & morbi; Corpus compatitur animæ motibus, testes animi Pathemata. Vtrumque docet ars Physiognomonica; hinc duplex eius species, Medica, & Moralis: Ambæ ab exteriori formâ, quæ animæ & corporis, ideòque totius hominis cognoscendi modum aperit ex signis: hæc ex eâ potissimum parte depromuntur, quæ maiori & delicatiori artificio effecta, sensuum omnium organa continet, certioraque sanitatis & morbi indicia exhibet; in quâ, propter peculiarem texturam citius & fidelius humorum & interiorum agitationum vel leuissimarum, notæ sese produnt: dicam compendio: in quâ *ἡ φύσις τοῦ σώματος καὶ τῆς ψυχῆς ἀνακρίβηται.*

**D**IVIIVM hominis opificium complent Anima & corpus: Animæ essentia abstrusissima, sensibus immanifesta, à posteriori tantum cognoscitur: immortalis est, spiritalis, potentiâ omnia, & ideò indeterminata, indifferens; hinc temperamentum hominis in omnium medio. Anima per operationes innotescit; actionum principia sunt facultates; quæ si spirituales, sine organi interuentu operantur; si corporeæ, vt materiei immerse, ad agendum egent instrumento corporeo: harum posteriorum functionum causa frequentior sunt inclinationes, quibus tanquam dispositionibus, propter certam organi conformationem, anima ex se indifferens, ad quasdam actiones determinatur, & inclinatur. Organorum conformatio à virtute formatrice, & à Temperamento, vtrumque ex signis sensibilibus patet. Temperamentum, maximum in inclinationes & operationes imperium obtinet; harum sola & vnica causa quibuscumque; sic animi mores sequuntur corporis temperiem; illam constituunt quaternarius humorum numerus, humorum speculum facies est. Non minoris est efficacis Conformatio; morum index: vnde proverbiū, Cautè signatis: Venatores & Equites, ex conformatione, de Canum & Equorum excellentiâ ac docilitate iudicant, Conformationis summariam vultus. Vt temperies omnium optima in medio, ita & Conformatio: vtraque eò perfectior, quò actio nobilior: strenuum artificem decent instrumenta, politiori curâ fabrefacta.

**F**ACIES parte glabrâ Capitis definitur, Fronte, Mento, & Aure duplici circumscripta; in quorum medio sunt Nasus, Os, Supercilia, & Oculi: mole quidem minutissimæ partes, sed vi & operâ indicandorum affectuum maxima. Fronsa ferendis animi signis dicta, Pudoris est sacrarium; index tristitiæ, Hilaritatis, Clementiæ, Seueritatis, in ipsâ fronte velut speculo, mentis imago patet; sola in alto licet silentio secretiores animi recessus patefacit: sic Parua Indociles denotat: Magna rimidos; Rotunda Iracundos; Quadrata fortes; Nebulosa Audaces; Exporrecta Adulatores: Dura tensa & arida in morbis, mortis periculum, Aures, mentis ianuæ sunt; Disciplinæ sensus; Carminis filia; Architecturæ portentum; Magnæ tardos; Paruæ Astutos; Rubræ Verecundos; Contractæ & frigide in acutis, mortem; Dolentes acriter in vehemente febre periculum, rinnientes delirium aut Crisim. Mentum totius faciei basis; barbæ seu Maiestatis virilis fulcrum, Rotundum & Glabrum in hominibus, Molles; hirsutum in faminis, Inuerecundas. Nasus soli homini altior ad decorem; efficax est instaurandi Spiritus instrumentum; Cerebri spiraculum, modulandæ voci summè necessarium organum: Acutus & naribus parulis, in Iram præcipes: Rotundus magnanimos; Gracilis leues; Coruinus Impudentes; sub fronte Cauus Petulant. Labra, mollia Oculorum puluina; Crassa Hebetes; tenuia Dolosos innunt.

**O**S, in quo Risus, Veneres, & Ioci tanquam in sede habitant, animi est vestibulum; loquelæ formator; cogitationum nuncius; Diuinum antrum, in quo mentis oracula panduntur, partium cæterarum propugnaculum; hinc eburneo dentium muro vallatum; firmo palati fornice fulcitum: Amplum cum dentibus acutis Voraces; Paruum Molles: Os & lingua in morbis præcipua salutis aut mortis præfagia suppeditant. Supercilia, Superbiæ, quæ in Corde nata, hic fedet, tribunal: mirum visionis adiumentum & præsidium: Coniuncta Querulos; extensa versus tempora Stupidos. Oculi, pars humanæ melior vitæ; Diuinum membrum, cuius gratiâ omnium nobilissimum Caput factum est: Splendida microcosmi lumina; Amoris Illices; Tyranni Infidiosi ferientes sine vibice & vulnerantes sine cruore: quos dum osculamur, animum ipsum attingere videmur: vera animæ *κἀνάλειος*: Quidni & animi Pulsus? ex eorum quippe motu mentis affectiones, vt ex pulsu cordis alterationes percipimus; sic Magni & Eminentes stolidos; Parui & Concaui infidos; Albicantes aut intensè Nigri Timidos; Ignei & Rubri Iracundos; Splendentes & Tremuli Intemperantes; Charopi Fortes. Vis plura? & in morbo & in sanitate punctum omne ferunt; si sani sanum, si morbi morbidum corpus indicant dicente Christo: vt valent oculi sic totus homo docente Hippocrate.

**F**ACIES pars Corporis pulcherrima, ad imaginem Dei facta, & in quam vitæ spiraculum, lumenque vultus sui signauit Diuinus Plastes, à maiori & accuratiori structurâ denominatur; sine facie quæ confusio? quid homo ipse? nec Patrem filius agnosceret, nec vxorem Coniux: nullum facierum diuersitate in terris maius miraculum: per eam Genus, species & indiuidua discrepant & cognoscuntur; Etatis, sexus, nota certissima; characterum patrum seruatricis fida. Quid pulchrius facie? Pulchritudinis ipsius Symbolum & Theatrum: pro omnibus verbis vultus est: vt Corporis ira & Animi mensura, quâuis Momi fenestra certior: sermo mentis tacitus: ita distortum vultum sequitur distortio morum: sic Longa Superbos; Magna Pigros; Parua & Nigra Malos; Macra Suspiciosos; Pallida Timidos; Flaua Iracundos; Rosea Hilaes manifestat. In vultu, vt in horologij externâ facie rotarum motus, internarum corporis agitationum notæ apparent; eò facilis quod textura eius rarior, non obrita pinguedine, sed innumeris arteriis irrigua. Cor nequit citatiori aut tardius consensum? non colorem modo nervos aut venas considera, sed & Næuos; non temerario quodam casu per faciem sparso, sed stupendo naturæ prodigio in eâ signatos, quibus similes in alijs partibus impressi responderent. Vis verbo? in solâ facie *ἡ φύσις τοῦ σώματος καὶ τῆς ψυχῆς ἀνακρίβηται* Sapientiæ domicilium, Modestiz sedes, Sensuum officina: huius partis conformationem curat præcipuè natura; sic vna facies Animi & Corporis, Imago, Exemplar, Compendium.

Ergo totus Homo ex Facie.

DOMINI DOCTORES DISPVATVRI.

M. Paulus Courtois.  
M. Petrus Moriau.  
M. Guillelmus Petit Schol. Prof.

M. Rolandus Merlet Decanus.  
M. Stephanus le Gaigneur.  
M. Petrus Bourdelot.

M. Petrus Beauvains.  
M. Robertus Tuloué.  
M. Bartholomæus Baralis Med. Reg.

Proponebat Lutetiæ PETRVS CRESSE Parisinus, A. R. S. H. M. DC. LVI.



#97